

Sarajevo, 04-10-2023
Broj: 10-33-4-35614

Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22), člana 48. Statuta KCUS-a (Sl.novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (broj 65-04-2-4654-1 od 01.02.2023.godine) na prijedlog Komisije za javnu nabavku Izvještaj br. 10-33-4-35614-1 od 04.10.2023.godine, Generalna direktorica donosi:

ODLUKU

o izboru najpovoljnijeg ponuđača za

“Izvođenje građevinskih, građevinsko-zanatskih i instalaterskih radova za izgradnju stacionara na etažama 11 i 12 i tehničke etaže 07 objekta CMB na lokaciji Koševo”

I

Prihvata se prijedlog Komisije za javnu nabavku, **Izvještaj br. 10-33-4-35614-1 od 04.10.2023.godine**, za postupak nabavke **“Izvođenje građevinskih, građevinsko-zanatskih i instalaterskih radova za izgradnju stacionara na etažama 11 i 12 i tehničke etaže 07 objekta CMB na lokaciji Koševo”**, nakon provedenog otvorenog postupka objavljenog na portalu e-Nabavke - Obavještenje o nabavci od 893-1-3-37-3-141/23 od 20.02.2023.godine, da se Ugovor dodijeli ponuđaču **„Unigradnja“ d.d. Sarajevo**.

Osnovni elementi ugovora :

➤ **Ukupna vrijednost ugovora:**

23.290.000,00	KM bez PDV-a	(dvadesesttrimilionadvjestodevedesethiljada)
+ 3.959.300,00	KM PDV-a	(trimilionadevestopedesetdevethiljadaitristo)
= 27.249.300,00	KM sa PDV-om	(dvadesetsedammilionadvjestočetdesetdevethiljadaitristo)

- Jedinične cijene za radove dostavljene u Aneksu 3/tehničkoj specifikaciji/predmjeru radova, su nakon provedenog postupka e-aukcije srazmjerno umanjene u iznosu od 2,84%** i čine sastavni dio Zapisnika i Izvještaja.
- Uslovi plaćanja: odgođeno plaćanje **u roku 15 (petnaest) dana** po ispostavljanju i prihvatanju situacija (privremenih i okončanih) uz predaju zapisnika o primopredaji radova koji čini sastavni dio okončane situacije, bez kojeg faktura neće biti plaćena.
- Vrijeme trajanja/izvođenja ugovora/radova: maksimalno **14 (četnaest) mjeseci** od dana uvođenja izvođača u posao.
- Garantni rok za izvedene radove: **12 (dvanaest) mjeseci** od dana kada nadzorni organ primi izvedene radove po Ugovoru. Izvođač radova je obavezan dostaviti garanciju u iznosu od 5% od vrijednosti okončane situacije (sa PDV-om) u roku od 15 dana od ispostavljanja i prihvatanja okončane situacije sa rokom važenja 12 mjeseci. Izvođač radova se obavezuje da će sve nedostatke i kvarove, nastale usljed loše i nestručno izvedenih radova, a koji se pojave u garantnom roku, otkloniti u roku od 7 dana po prijavi Ugovornog organa.

II

Izabrani ponuđač sa sjedištem u ulici Rajlovačka cesta bb., 71000 Sarajevo, je u sklopu svoje ponude dostavio dokaze tražene tačkom 4.1. Tenderske dokumentacije, te u skladu sa navedenim nije u obavezi naknadno iste dostavljati.

III

Ova Odluka stupa na snagu danom donošenja i u skladu sa zakonskim propisima će biti objavljena na web stranici KCUS-a.

O B R A Z L O Ž E N J E

Na osnovu Odluke o pokretanju postupka javne nabavke br. 58-11-3-6784-1 od 15.02.2023.godine, Klinički centar Univerziteta u Sarajevu je na portalu e-Nabavke zajedno sa Tenderskom dokumentacijom za **“Izvođenje građevinskih, građevinsko-zanatskih i instalaterskih radova za izgradnju stacionara na etažama 11 i 12 i tehničke etaže 07 objekta CMB na lokaciji Koševo”** objavio Obavještenje o nabavci broj 893-1-3-37-3-141/23, sa procijenjenom vrijednosti nabavke u ukupnom iznosu od **24.000.000,00 KM bez uračunatog PDV-a**.

Nabavka je planirana Privremenim planom javnih nabavki za 2023.godinu, pod klasifikacijom **RADOVI INVESTICIJE, red. br. 1.** (Odluka o usvajanju Privremenog plana javnih nabavki KCUS-a za 2023.godinu, broj 56/23, broj protokola 65-04-2-4650 od 01.02.2023.godine).

Sredstva za nabavku su obezbjeđena Budžetom Federacije BiH za 2022.godinu u skladu sa Odlukom o usvajanju programa utroška sredstava sa kriterijima raspodjele sredstava "Tekući transferi drugim nivoima vlasti i fondovima - transferi za sanaciju zdravstvenih ustanova u F BiH" - FMZ (Službene novine federacije BiH br. 55/22) i dobit KCUS-a.

Uslovi plaćanja predviđeni za postupak nabavke su plaćanje u roku 15 dana po ispostavljanju i prihvatanju situacije (na osnovu akta Sektora za računovodstvo, plan i analizu br. 54-11-1-39264-1 od 08.09.2022. godine).

Na osnovu Obavještenja o nabavci objavljenog na portalu e-nabavke 20.02.2023.godine tendersku dokumentaciju za postupak javne nabavke preuzelo je 27 (dvadesetsedam) potencijalnih ponuđača, a na osnovu Ispravke obavještenja o nabavci objavljenog na portalu e-nabavke 13.03.2023.godine preuzelo je 10 (deset) potencijalnih ponuđača: ITC ZENICA d.o.o., PANON TRADE d.o.o., FUEL BOSS d.o.o., "DŽEKOS" d.o.o. SARAJEVO, TESTINGELEKTRO d.o.o., EKAPIJA d.o.o., EKO TEH d.o.o., UNIGRADNJA D.D. Sarajevo, AREL d.o.o. ZENICA i ELECTRA d.o.o.

Do vremena naznačenog u Obavještenju o nabavci broj 893-1-3-37-3-141/23 od 20.02.2023.godine, do 06.04.2023. godine do 09:30 sati na Protokol KCUS-a dostavljene su 3 (tri) ponude što je evidentirano Zapisnikom o zaprimanju ponuda br. 10-33-4-14028 od 06.04.2023.godine, i to:

Naziv ponuđača	„ITC Zenica“ d.o.o. Zenica	„Unigradnja“ D.D. Sarajevo	„AREL“ d.o.o. Zenica
Redni broj ponude	1.	2.	3.
Broj i datum ponude	1400-1-8 od 06.04.2023.	03-2-4/23 od 06.04.2023.	668/23 od 06.04.2023.
KCUS broj, datum i vrijeme prispjeća ponude	10-11-3-13789 05.04.2023.g. 08:20 sati	10-11-3-14000 06.04.2023.g. 08:32 sati	10-11-3-14007 06.04.2023.g. 09:00 sati
Cijena ponude bez PDV-a (KM)	23.923.702,41	23.970.118,75	25.847.919,28

Komisija imenovana Odlukom Generalne direktorice KCUS-a broj 01-04-4-12977 od 29.03.2023. godine, je održala javno otvaranje ponuda dana 06.04.2023.godine u 10:00 sati u sali za sastanke na lokaciji Objekat Tehničkog sektora (C9) Bolnička br.25. uz prisustvo članova komisije, sekretara komisije i referenta protokola (Merima Hodžić) i predstavnika ponuđača:

- ispred „Unigradnja“ d.d. Sarajevo, Voditelj konzorcija „Unigradnja“ d.d. Sarajevo, Krivić Amina, po Ovlaštenju broj 03-2-4/23 od 06.04.2023. godine, i
- ispred „AREL“ d.o.o. Zenica, Voditelj konzorcija „AREL“ d.o.o. Zenica, Suljagić-Neimarlija Amila, po Ovlaštenju broj 668/22 od 06.04.2023. godine, Član konzorcija "FUEL BOSS" d.o.o. Zenica, Hodžić Aida, također po Ovlaštenju broj 668/22 od 06.04.2023. godine

Komisija je u prisustvu referenta protokola i predstavnika ponuđača, izvršila otvaranje uredno obilježanih i od strane ponuđača ovjerenih ponuda, a budući da su iste bile uvezane i osigurane jemstvenikom radi zaštite od eventualnih zloupotreba, Komisija je također izvršila potpisivanje i ovjeru prve i posljednje stranice ponuda, kao i potpisivanje i ovjeru koverata u kojima su ponude dostavljene.

Komisija je također u skladu sa članom 63. Zakona o javnim nabavkama („Službeni glasnik BiH“, broj 39/14 i 59/22), tačka 4) i obaveza postupanja ugovornog organa prilikom otvaranja dostavljenih ponuda prisutnim predstavnicima ponuđača saopštila neophodne informacije o istim.

Detaljnijom analizom dostavljenih ponuda, polazeći od zahtjeva koje je Ugovorni organ naveo u okviru tenderske dokumentacije i postavljenih pitanja od strane ponuđača, putem Sistema e- Nabavke, na koje je Ugovorni organ putem istog objavio pojašnjenja TD, Komisija je većinom glasova utvrdila i u Zapisniku o pregledu i ocjeni ponuda/e-aukcija broj 58-33-4-32499 od 06.09.2023.godine konstatovala da od 3 (tri) dostavljene ponude, 2 (dvije) ponude zadovoljavaju tenderske zahtjeve u pravnom, ekonomskom i tehničkom smislu.

Naime, pregledom Aneks-a 2 dostavljenih ponuda komisija je konstatovala da ukupna vrijednost ponude ponuđača „AREL“ d.o.o. Zenica prelazi procijenjenu vrijednost nabavke, odnosno osigurana novčana sredstva ugovornog organa za predmetnu nabavku, te istu u skladu sa članom 2. tačka 1) 2) ZJN (Sl.Glasnik 39/14 i 59/22) odbacuje kao NEPRIHVATLJIVU i stoga nevedena ponuda ne može učestvovati u daljem toku postupka nabavke.

Daljnijom analizom Komisija je također kod oba ponuđača, „ITC Zenica“ d.o.o. Zenica i „Unigradnja“ d.d. Sarajevo, čije ponude je ocjenila kao prihvatljive za dalji tok natjecanja, ustanovila računске greške u zbrajanju i množenju jediničnih cijena u Predmjeru radova, kao i neprirodno niskih cijena, te je stoga imenovanim ponuđačima uputila Zahtjeve za potvrdu korigovane cijene kao i pojašnjenja ponuđenih niskih cijena na koje je u traženim rokovima dobila Izjave od imenovanih ponuđača.

Imajući u vidu naprijed navedeno, te činjenicu da je za ovaj postupak javne nabavke planirano provođenje e-aukcije u skladu sa Pravilnikom o uslovima i načinu korištenja e-aukcije, a na osnovu analize ponuda, Komisija je većinom glasova konstatovala da su od 3 (tri) dostavljene ponude, 2 (dvije) ponude koje zadovoljavaju tenderske zahtjeve u pravnom, ekonomskom i tehničkom smislu, te stoga dala prijedlog da se e-aukcija zakaže sa ponuđačima „ITC Zenica“ d.o.o. Zenica i „Unigradnja“ D.D. Sarajevo kako slijedi:

Red. broj ponude	Naziv ponuđača	Cijena ponude bez PDV-a (KM)
1.	„ITC Zenica“ d.o.o. Zenica	23.918.658,21
2.	„Unigradnja“ d.d. Sarajevo	23.970.118,75

E-aukcija je zakazana za 11.09.2023.godine u 11:00 sati i provedena je putem portala www.ejn.gov.ba i to u skladu sa Pravilnikom o uslovima i načinu korištenja e-aukcije (Službeni glasnik BiH 66/16).

Tabelarni pregled ponuda nakon okončane e-aukcije:

"Izvođenje građevinskih, građevinsko-zanatskih i instalaterskih radova za izgradnju stacionara na etažama 11 i 12 i tehničke etaže 07 objekta CMB na lokaciji Koševo"						
Početak postupka: 11.09.2023.godine u 11:00 sati / Završetak postupka: 11.09.2023.godine u 11:12 sati						
R. br	Naziv ponuđača	IDB/JMB	Početna cijena u KM bez PDV-a	Konačna cijena u KM bez PDV-a	Umanjenje cijene	Rang
1.	„Unigradnja“ d.d. Sarajevo	4200049590001	23.970.118,75	23.290.000,00	2,84 % **	1
2.	„ITC Zenica“ d.o.o. Zenica	4218146790003	23.918.658,21	23.581.081,35	1,41 % **	2

Obzirom da je u provedenom postupku nabavke zadovoljena transparentnost, te da je cijena prvorangirane ponude nakon provedenog postupka e-aukcije od 11.09.2023.godine, u okviru **osiguranih sredstava za predmetnu nabavku "Izvođenje građevinskih, građevinsko-zanatskih i instalaterskih radova za izgradnju stacionara na etažama 11 i 12 i tehničke etaže 07 objekta CMB na lokaciji Koševo"**, Komisija je većinom glasova putem **Izveštaja br. 10-33-4-35614-1 od 04.10.2023.godine**, dala prijedlog da se Ugovor dodjeli ponuđaču **„Unigradnja“ d.d. Sarajevo** u iznosu od **23.290.000,00 KM bez PDV-a**, u skladu sa jediničnim cijenama srazmjerno umanjenim za 2,84 % nakon provedenog postupka e-aukcije.

Prijedlog Komisije je prihvaćen i donosi se odluka kao u dispozitivu.



Generalna direktorica KCUS-a

Prof. dr. Sabija Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima
- Tehnički sektor
- a/a KCUS